



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. IX. In Hortensium Ciceronis incidit.

urn:nbn:de:hbz:466:1-42857

paullatim is nitor infici; potuit defuetudo elegantius scribendi & commentandi multum atterere de stilo pristino; potuit ætate iam maturâ, splendoris huiusce, qui verborum est, nolle videri studiosior; quod idem usu venisse D. Cypriano didicimus: vel, quæ ratio verisimilior est, prudentissimus Doctor, idemque amore flagrans in omnes incredibili, studere multitudini voluit, ideoque phrasim depressit vtrò, quò iuxta à doctis & indoctis intelligeretur. Ita de sese testimonium dicit Enarratione in Psal. 138. *Non est occultatum os meum, &c. Melius est ut nos reprehendant Grammatici, (dicendo, ossum, loco os) quàm non intelligant populi.*

CAPVT IX.

In Hortensium Ciceronis incidit.

DVM autem adolescentior, sapientiæ studiis intentus, varios reuoluit auctores, in Ciceronis fortè librum incidit, qui summis laudibus eam partem Philosophiæ, quæ de moribus est, in cælum extollit. Eâ lectione mutatis in diuersum affectibus, cœpit omnia quæ hîc iucunda sunt (si quid verè iucundum esse potest in hac, *mortali vitâ dicam, an morte vitali?*) paullatim contemnere. Verùm id malè eum habebat, quòd in eiusmodi scriptis nulla

Lib. 3. Cō-
fess. c. 4.

Lib. 1. Cō-
fess. cap. 6.

prorsus esset suauissimi nominis IESV mentio; cuius amorem quemdam iam inde ab infantiâ, cum lacte nutricis vnâ suxerat. Tanti refert à teneris assuescere. Ideoque viderint parentes quàm profit Catholicè

Nomen

IESV cum lacte imbibit.

NOTA.

Maxima ratio habenda ut pueri Catholicè & pie educantur.

& sanctè filios enutrire; ab his enim ætatis primordiis vt plurimum totius vitæ ratio pendet. Quare si corporibus vt sana nutrix detur, in primis curant; quanto magis eos opus aduigilare, quò pars optima quàm optime educetur? Plato vetat nutrices, frivolas ac turpes fabulas pueris narrare, ne rudes animos, ex initio stultitiâ & corruptis moribus imbuant. Atque idem Gregorius spectans, *Verba*, ait, *nutrientium, aut lac erunt, si bona sunt, aut venenum, si mala.*

Lib. 6. epistolâ 187.

Talia ergo nunc eis suggerant, quæ postmodum ostendant quàm bona fuerint, quæ à nutritorum suorum ore suxerint. Atque adeò ipse Augustinus in hunc sensum: Figam, inquit, pedes meos in eo gradu, in quo

Lib. 6. Confess. c. 1.

puer à parentibus positus eram. Quocircà, cum quidquid sine hoc dulcissimo nomine IESV erat (quod puer altius imbiberat) quamvis literarum, & expolitum, & veridicum, non eum totum raperet, ad Sacras literas se conuertit, in quibus sanctissimum hoc nomen inculcatur. Verùm non ita multò post, ab earum lectione resiliit, quòd

ser-

sermo humilis, & verborum horridior ^{Scriptura}
 compositio, nihil cum Tullianæ splendore ^{phrasis}
 eloquentiæ commune haberet. Neque ta- ^{Augustino}
 men arbitratus est, nihil sub eis diuinum ^{difficet.}
 aut reconditum esse; sed quòd esset sic de-
 mulsus inanis facundiæ dulcedine, verbo-
 rumq; modulato sono, decreuit alio tem-
 pore Sacris literis thesaurum latentem in-
 uenire. *Vidi, ait, rem non compertam super-*
bis, neque pueris, sed incessu humilem, suc- Lib. 3. Cō-
cessu excelsam, & velatam mysteriis: & non fess. cap. 5.
eram ego talis, ut intrare in ea possem, aut
inclinare ceruicē ad eius egressus. Visq; mihi
est Scriptura indigna, quam Tullianæ digni-
tati compararem. Tumor enim meus refugie-
bat modum eius, & acies mea non penetrabat
interiora eius: verumtamen illa erat, quæ
crederet cum paruulis, sed ego dedignabar es-
se paruulus, & turgidus fastu, mihi grandis
videbar. Incidi itaq; in homines superbe deli- ^{procliuis}
rantes, & carnales nimis, & loquaces. Quod ^{sa, verborum}
haud sanè mirandum: nam, ut Prudentius, ^{lapsus in}
Alta cadunt, inflata crepant, tumefacta pre- ^{hæresim.}

muntur.

Et eodem Augustino teste, *diuersis in locis,*
diuersæ sunt hæreses: sed vna mater super- De Pastor.
bia cunctas gignit; facileque est tumefa- cap. 8.
ctos homines Catholicæ humilitati præfra-
ctæ aduersari.